

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-20600-1/13.  
Zenica, 07.10.2013. godine

**Z A P I S N I K**  
**sa 127. sjednice Vlade Zeničko-dobojskog kantona održane 03.10.2013. godine**

Sjednica je održana u sali 109, prvi sprat u zgradi Kantona, dana 03.10.2013. godine u trajanju od 09<sup>00</sup> do 12<sup>45</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Romana Brkić, ministrica Ministarstva za pravosuđe i upravu,
3. Heljić Sabina, ministrica Ministarstva finansija,
4. Rifat Delić, ministar Ministarstva unutrašnjih poslova,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Edin Terzić, ministar Ministarstva za prostorno uređenje, promet i komunikacije i zaštitu okoline.
9. Nedžad Lokmić, ministar Ministarstva za boračka pitanja,
10. Amir Abazović, pomoćnik ministra u Ministarstvu za privredu.

Sjednici su prisustvovali i:

1. Berjana Ačkar, sekretar Vlade,
2. Kadić Mirsad, sekretar Sekretarijata za zakonodavstvo,
3. Ivica Mandura, savjetnik Premijera Zeničko-dobojskog kantona,
4. Jasminka Ahmetspahić, viši stručni saradnik za poslove informisanja u Uredu premijera,
5. Alma Hrnjić, zapisničar.

Premijer je stavio na diskusiju predloženi

**D N E V N I R E D :**

1. Verifikacija Zapisnika sa 120. sjednice Vlade Zeničko-dobojskog kantona održane dana 07.08.2013. godine;
2. Verifikacija Zapisnika sa 125. sjednice Vlade Zeničko-dobojskog kantona održane dana 19.09.2013. godine;

3. Verifikacija Zapisnika sa 126. sjednice Vlade Zeničko-dobojskog kantona održane dana 26.09.2013. godine;
4. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec septembar 2013. godine
5. Prijedlog Odluke o osnovicama i stopama doprinosa za obavezno zdravstveno osiguranje u Zeničko-dobojskom kantonu sa Prijedlogom Zaključka o utvrđivanju;
6. Informacija o stanju materijalno-tehničkih uvjeta za realizaciju nastave tjelesnog zdravstvenog odgoja u srednjim školama na području Zeničko-dobojskog kantona, sa Prijedlogom Zaključka o primanju na znanje;
7. Prijedlog Zaključka o davanju saglasnosti na Plan upisa studenata u prvu godinu trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini;
8. Prijedlog Zaključka o davanju saglasnosti na visinu školarine i drugih naknada koje plaćaju studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini;
9. Prijedlog Zaključka o davanju saglasnosti na visinu školarine i drugih naknada koje plaćaju strani državljani, studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini;
10. Prijedlog Zaključka o davanju saglasnosti za imenovanje direktorice JU OŠ „Alija Nametak“ Zenica;
11. Akcioni plan za provedbu dokumenta Politike zaštite djece bez roditeljskog staranja i porodica pod rizikom od razdvajanja u FBiH 2006-2016 na području Zeničko-dobojskog kantona sa Prijedlogom Odluke o usvajanju;
12. Prijedlog Zaključka o odobravanju sredstava Udruženju INFOHAUSE iz Sarajeva, na ime realizacije Projekta „Volontiraj-kreditiraj 2013/2014“;
13. Prijedlog Odluke o preraspodjeli sredstava sa Uredom premijera u svrhu realizacije Zaključka Vlade broj: 02-23-5666/13 od 07.03.2013. godine;
14. Prijedlog Odluke o načinu rada i postupanja po administrativnim postupcima u Zeničko-dobojskom kantonu;
15. Prijedlog Zaključka o odobravanju finansijskih sredstava Oruč Eni na ime nagrade za osvojeno prvo mjesto u teakwadou na Svjetskom juniorskom prvenstvu u Londonu;
16. Prijedlog Odluke o odobravanju finansijskih sredstava-subvencioniranje troškova certifikacije energetske efikasnosti individualnog stambenog objekta Ugarak Nihada u naselju Donje Moštre u Visokom;
17. Prijedlog Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Skup etažnih vlasnika zgrade u Ulici; Jaliya broj: 77 u Visokom;
18. Prijedlog Zaključka o zaduženju rukovoditelja vezan za dopunu Pravilnika o unutrašnjoj organizaciji;
19. Upoznavanje članova Vlade sa aktima;
  - Akt Ministarstva zdravstva broj: 11-14-19269-1/13 od 19.09.2013. godine;
  - Akt Službe za zajedničke poslove broj: 14-27-19023-4/13 od 25.09.2013. godine;

Članovi Vlade su se usaglasili sa predloženom dopunom dnevnog reda tako da je za sjednicu jednoglasno usvojen sljedeći:

#### **DNEVNI RED :**

1. Verifikacija Zapisnika sa 120. sjednice Vlade Zeničko-dobojskog kantona održane dana 07.08.2013. godine;

2. Verifikacija Zapisnika sa 125. sjednice Vlade Zeničko-dobojskog kantona održane dana 19.09.2013. godine;
3. Verifikacija Zapisnika sa 126. sjednice Vlade Zeničko-dobojskog kantona održane dana 26.09.2013. godine;
4. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec septembar 2013. godine
5. Prijedlog Odluke o osnovicama i stopama doprinosa za obavezno zdravstveno osiguranje u Zeničko-dobojskom kantonu sa Prijedlogom Zaključka o utvrđivanju;
6. Informacija o stanju materijalno-tehničkih uvjeta za realizaciju nastave tjelesnog zdravstvenog odgoja u srednjim školama na području Zeničko-dobojskog kantona, sa Prijedlogom Zaključka o primanju na znanje;
7. Prijedlog Zaključka o davanju saglasnosti na Plan upisa studenata u prvu godinu trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini;
8. Prijedlog Zaključka o davanju saglasnosti na visinu školarine i drugih naknada koje plaćaju studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini;
9. Prijedlog Zaključka o davanju saglasnosti na visinu školarine i drugih naknada koje plaćaju strani državljani, studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini;
10. Prijedlog Zaključka o davanju saglasnosti za imenovanje direktorice JU OŠ „Alija Nametak“ Zenica;
11. Akcioni plan za provedbu dokumenta Politike zaštite djece bez roditeljskog staranja i porodica pod rizikom od razdvajanja u FBiH 2006-2016 na području Zeničko-dobojskog kantona sa Prijedlogom Odluke o usvajanju;
12. Prijedlog Zaključka o odobravanju sredstava Udruženju INFOHAUSE iz Sarajeva, na ime realizacije Projekta „Volontiraj-kreditiraj 2013/2014“;
13. Prijedlog Odluke o preraspodjeli sredstava sa Uredom premijera u svrhu realizacije Zaključka Vlade broj: 02-23-5666/13 od 07.03.2013. godine;
14. Prijedlog Odluke o načinu rada i postupanja po administrativnim postupcima u Zeničko-dobojskom kantonu;
15. Prijedlog Zaključka o odobravanju finansijskih sredstava Oruč Eni na ime nagrade za osvojeno prvo mjesto u teakwadou na Svjetskom juniorskom prvenstvu u Londonu;
16. Prijedlog Odluke o odobravanju finansijskih sredstava-subvencioniranje troškova certifikacije energetske efikasnosti individualnog stambenog objekta Ugarak Nihada u naselju Donje Moštre u Visokom;
17. Prijedlog Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Skup etažnih vlasnika zgrade u Ulici; Jaliya broj: 77 u Visokom;
18. Prijedlog Zaključka o zaduženju rukovoditelja vezan za dopunu Pravilnika o unutrašnjoj organizaciji;
19. Prijedlog Zaključka o davanju saglasnosti u cilju osiguranja završetka objekata Pravnog i Ekonomskog fakulteta Univerziteta u Zenici;
20. Upoznavanje članova Vlade sa aktima;
  - Akt Ministarstva zdravstva broj: 11-14-19269-1/13 od 19.09.2013. godine;
  - Akt Službe za zajedničke poslove broj: 14-27-19023-4/13 od 25.09.2013. godine;

#### **Prva tačka dnevnog reda**

Vlada je jednoglasno usvojila Zapisnik sa 120. sjednice Vlade Zeničko-dobojskog kantona održane dana 07.08.2013. godine;

### **Druga tačka dnevnog reda**

Vlada je jednoglasno usvojila Zapisnik sa 125. sjednice Vlade Zeničko-dobojskog kantona održane dana 19.09.2013. godine;

### **Treća tačka dnevnog reda**

Vlada je jednoglasno usvojila Zapisnik sa 126. sjednice Vlade Zeničko-dobojskog kantona održane dana 26.09.2013. godine;

### **Četvrta tačka dnevnog reda**

Obrazloženje za ovu tačku dnevnog reda dala je Sabina Heljić, ministrica ministarstva finansija

Vlada je jednoglasno odnijela Odluku o raspodjeli sredstava za finansiranje političkih stranaka i klubova poslanikapolitičkih stranaka zastupljenih u Skupštini Zeničko-dobojskog kantona za mjesec septembar 2013. godine

Ovom Odlukom odobrava se isplata sredstava u iznosu od 33.333,33 KM (slovima: tridesettrihstotinetridestri/33 konvertibilnih maraka) za političke stranke i klubove poslanika političkih stranaka zastupljene u Skupštini Zeničko-dobojskog kantona, za mjesec septembar 2013. godine.

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno klubovima poslanika političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika, srazmjerno broju poslaničkih mjesta koja pripadaju manje zastupljenom spolu.

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

Isplata sredstava iz člana 1. ove Odluke će se izvršiti na osnovu Zakona o izvršavanju budžeta Zeničko-dobojskog kantona za 2013. godinu ("Službene novine Zeničko-dobojskog kantona", broj 19/12), sa razdjela 10, budžetska organizacija 01, potrošačka jedinica 0001-Skupština Kantona, ekonomski kod 614300 „Tekući transfer za finansiranje političkih stranaka, koalicija političkih stranaka i nezavisnih poslanika.“

Za realizaciju ove odluke zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona, svako u okviru svoje nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

### **Peta tačka dnevnog reda**

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

U diskusiji su učestvovali; Premijer Zeničko-dobojskog kantona, ministar Ministarstva za boračka pitanja, ministar Ministarstva za rad, socijalnu politiku i izbjeglice, ministrica Ministarstva finansija, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se utvrđuje tekst Odluke o osnovicama i stopama doprinosa za obavezno zdravstveno osiguranje u Zeničko-dobojskom kantonu.

Odluka iz tačke I ovog zaključka upućuje se u skupštinsku proceduru.

Zaključak stupa na snagu danom donošenja.

i Zaključak kojim se zadužuju Zavod zdravstvenog osiguranja Zeničko-dobojskog kantona, Ministarstvo finansija i Ministarstvo za rad, socijalnu politiku i izbjeglice da pripreme sveobuhvatnu Informaciju o neosiguranim licima na području Zeničko-dobojskog kantona, sa ciljem iznalaženja rješenja plaćanja doprinosa za zdravstveno osiguranje ove kategorije lica i istu

putem Ministarstva zdravstva dostave Vladi na razmatranje. Zaključak stupa na snagu danom donošenja.

#### **Šesta tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali; Premijer Zeničko-dobojskog kantona, ministrica Ministarstva zdravstva, ministar Ministarstva za poljoprivredu, šumarstvo i vodoprivredu, sekretar Vlade.

Vlada je jednoglasno donijela Zaključak kojim se prima k znanju Informacija o stanju materijalno-tehničkih uvjeta za realizaciju nastave tjelesnog i zdravstvenog odgoja u srednjim školama na području Zeničko-dobojskog kantona. Infomacija iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

i Zaključak kojim se zadužuju sva ministarstva i druga tijela kantonalne uprave da Vladi dostave Informaciju o nultom stanju svih objekata na području Zeničko-dobojskog kantona, po pitanju načina zagrijavanja, izvora toplote, vrste građevine, stanja objekata, kojima raspolažu iz svoje resorne nadležnosti, sa ciljem uspostave Jedninstvnog registra objekata u Zeničko-dobojskom kantona.

Zadužuju se sva ministarstva i druga tijela kantonalne uprave da inteviziraju saradnju sa Biznis servis centrom Zeničko-dobojskog kantona u svrhu apliciranja na projektima i implementaciji Zakona o javno-privatnom partnerstvu („Službene novine Zeničko-dobojskog kantona“, broj 5/13). Zaključak stupa na snagu danom donošenja.

#### **Sedma tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti na Plan upisa studenata u prvu godinu trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini

Daje se saglasnost na Plan upisa studenata u prvu godinu trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini.

ISLAMSKI PEDAGOŠKI FAKULTET	Broj studenata			
	redovni studij		vanredni studij	SVEGA
	finansira Osnivač	samofinansirajući		
Islamska vjeronauka	/	10	/	10

Zadužuju se Univerzitet u Zenici i Ministarstvo za obrazovanje, nauku, kulturu i sport, da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

#### **Osma tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti na visinu školarine i drugih naknada koje plaćaju studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini

Daje se saglasnost na visinu školarine i drugih naknada koje plaćaju studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini:

Redovni samofinansirajući studij

	VRSTA NAKNADE	IZNOS U KM
1.	Prvi upis u godinu studija	2.000,00
2.	Ponovni upis u istu godinu studija	500,00
3.	Prijemni ispit sa obradom dokumentacije	10,00
4.	Priznavanje ispita	100,00
5.	Nastavni plan i program	10,00
6.	Uvjerenje o statusu studenta	10,00
7.	Uvjerenje o položenim ispitima	20,00
8.	Diploma doktorskog studija	50,00
9.	Prijava za polaganje ispita	60,00
10.	Mentorstvo kod izrade doktorskog rada	1.500,00
11.	Komisija za ocjenu i odbranu doktorskog rada	1.350,00
12.	Komisijski ispit	60,00
13.	Ispisnica	50,00
14.	Neblagovremeno regulisanje statusa	100,00
15.	Članarina za biblioteku	15,00
16.	Članarina za ISSS	5,00
17.	Revers za podizanje dokumenata	5,00
18.	Troškovi objavljivanja oglasa	200,00
19.	Nostifikacija diplome	400,00

Zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

#### **Deveta tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti na visinu školarine i drugih naknada koje plaćaju strani državljani, studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini

Daje se saglasnost na visinu školarine i drugih naknada koje plaćaju strani državljani, studenti trećeg ciklusa studija na Odsjeku za islamsku vjeronauku na Islamskom pedagoškom fakultetu Univerziteta u Zenici u akademskoj 2013/2014. godini:

Redovni samofinansirajući studij

	VRSTA NAKNADE	IZNOS U KM
1.	Prvi upis u godinu studija	4.000,00
2.	Ponovni upis u istu godinu studija	1.000,00
3.	Prijemni ispit sa obradom dokumentacije	20,00
4.	Priznavanje ispita	200,00
5.	Nastavni plan i program	20,00
6.	Uvjerenje o statusu studenta	20,00
7.	Uvjerenje o položenim ispitima	40,00
8.	Diploma doktorskog studija	100,00
9.	Prijava za polaganje ispita	120,00
10.	Mentorstvo kod izrade doktorskog rada	3.000,00
11.	Komisija za ocjenu i odbranu doktorskog rada	2.700,00
12.	Komisijski ispit	120,00
13.	Ispisnica	100,00
14.	Neblagovremeno regulisanje statusa	200,00
15.	Članarina za biblioteku	30,00

16.	Članarina za ISSS	10,00
17.	Revers za podizanje dokumenata	10,00
18.	Troškovi objavljivanja oglasa	400,00
19.	Nostrifikacija diplome	800,00

Zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

### **10. tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktorice JU OŠ "Alija Nametak" Zenica

Daje se saglasnost da se Hatidža Dedić, nastavnik hemije i ekonomike domaćinstva, imenuje na dužnost direktorice JU OŠ "Alija Nametak" Zenica, na period od četiri godine. Zaključak stupa na snagu danom donošenja.

### **11. tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali; ministrica Ministarstva zdravstva, ministar Ministarstva za obrazovanje, nauku, kulturu i sport, ministar Ministarstva za poljoprivredu, šumarstvo i vodoprivredu, ministar Ministarstva za boračka pitanja, Premijer Zeničko-dobojskog kantona.

Vlada je jednoglasno donijela Zaključak o kojim se ne prihvata Prijedlog Odluke o usvajanju Akcionog plana za provedbu dokumenta Politike zaštite djece bez roditeljskog staranja i porodica pod rizikom od razdvajanja u FBiH 2006. – 2016., na području Zeničko-dobojskog kantona za period 2013. - 2014. godine.

Zadužuje se Ministarstvo za rad, socijalnu politiku i izbjeglice da sačini Prijedlog mjera na bazi postojećeg stanja zaštite djece bez roditeljskog staranja i porodica pod rizikom od razdvajanja na području Zeničko-dobojskog kantona u svrhu poboljšanja i unapređenja te zaštite. Zaključak stupa na snagu danom donošenja.

### **12. tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji je učestvovala ministrica Ministarstva zdravstva.

Vlada je jednoglasno donijela Zaključak kojim se udruženju INFOHAUSE iz Sarajeva odobrava iznos od 240,00 KM (slovima: dvijestotinečetdeset konvertibilnih maraka) u svrhu provođenja Projekta „Volontiraj-kreditiraj 2013/2014.“ radi „zapošljavanja“ na 1 dan 12 srednjoškolaca i to po 3 srednjoškolca poljoprivrednog, veterinarskog, građevinskog i šumarskog smjera, radi sticanja prakse u Ministarstvu za poljoprivredu, šumarstvo i vodoprivredu.

Sredstva iz tačke I ovog Zaključka isplatit će se iz Budžeta Zeničko-dobojskog kantona za 2013. godinu razdjel 23, budžetska organizacija 01, potrošačka jedinica 001, ekonomski kod 613900-Ugovorene i druge posebne usluge.

Navedeni iznos sredstava iz tačke I isplaćuje se Udruženju INFOHAUSE na račun broj 1610000041690223, otvoren kod Raiffeisen banke d.d. Sarajevo

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

### **13. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali; ministrica Ministarstva za pravosuđe i upravu, ministrica Ministarstva zdravstva, ministar Ministarstva za poljoprivredu, šumarstvo i vodoprivredu, ministar Ministarstva za prostorno uređenje, promet i komunikacije i zaštitu okoline, pomoćnik u Ministarstvu za privredu, ministar Ministarstva za boračka pitanja, ministrica Ministarstva finansija.

Vlada je jednoglasno donijela zaključak kojim se zadužuje Ministarstvo za privredu da do naredne sjednice Vlade Zeničko-dobojskog kantona sačini Odluku o preraspodjeli sredstava sa Uredom premijera Zeničko-dobojskog kantona u visini od 30.000,00 KM (slovima: tridesethiljada konvertibilnih maraka) radi rješavanja stambenog pitanja Hamze Alića, u visini jedne trećine od ukupne vrijednosti stana po Predugovoru o kupoprodaji stana, broj: 04-VI/13. Ministarstvo za privredu dužno je izvršiti preraspodjelu sa razdjela 18 ekonomski kod 614500 na Ured premijera Zeničko-dobojskog kantona, razdjel 11 ekonomski kod 614200 (BCD203), pozicija „Transfer pojedincima“, te sačinjeni Prijedlog preraspodjele dostavi putem Ministarstva finansija, Vladi Zeničko-dobojskog kantona na dalje postupanje. Zadužuju se Ministarstvo za privredu i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

#### **14. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade

Vlada je jednoglasno donijela Odluku o načinu rada i postupanja po administrativnim postupcima u Zeničko-dobojskom kantonu

Odlukom se bliže uređuju pravila postupanja, način rada, međusobna saradnja kantonalnih ministarstava i drugih tijela kantonalne uprave Zeničko-dobojskog kantona (u daljem tekstu: organi uprave), rokovi za postupanje, kao i druga pitanja od značaja za provođenje administrativnih postupaka na nivou Zeničko-dobojskog kantona.

Administrativni postupak, u smislu ove Odluke, predstavlja postupak rješavanja predmeta od momenta podnošenja zahtjeva fizičkih i pravnih lica do momenta odlučivanja to jeste odgovora organa uprave, a u cilju sprovođenja propisa.

Pored navedenog, administrativni postupak podrazumijeva procedure prijavljivanja za izdavanje licence, dozvole, saglasnosti, odobrenja, rješenja, autorizacije, ovlaštenja, certifikacije, obavještenja, statističko istraživanje i sl. U širem smislu, administrativni postupak čini proces koji podrazumijeva slijedeće radnje: podnošenje zahtjeva od strane pojedinca/pravnog lica organima uprave, sprovođenje procedure po podnesenom zahtjevu, dobijanje odgovora od strane organa uprave po predatom zahtjevu.

Prilikom provođenja administrativnih postupaka, organi uprave se dužni da po službenoj dužnosti, pribavljaju podatke, dokaze i druge akte (u daljnjem tekstu: dokumentacija) o kojoj službeno evidenciju vodi ili sa kojom na drugi način raspolaže drugo ministarstvo ili drugo tijelo kantonalne uprave nadležno za vođenje postupka, odnosno o kojima evidenciju vode ili sa kojom na drugi način raspolažu drugi kantonalni organi uprave.

Organi uprave su dužni da međusobno sarađuju i razmjenjuju dokumentaciju iz prethodnog stava, u skladu sa načelima ekspeditivnosti odnosno ekonomičnosti i efikasnosti.

Stranka koja je pokrenula ili u čijem interesu se vodi administrativni postupak, nije dužna dostavljati dokumentaciju iz stava 1. ovog člana.

Dokumentacija potrebna za rješavanje pojedinih administrativnih postupaka, a koju stranke iz prethodnog stava nisu dužne dostavljati, bliže je određena Odlukom o usvajanju preporuka za pojednostavljenje, unapređenje i eliminaciju administrativnih postupaka („Službene novine Zeničko-dobojskog kantona“, broj: 9/13).

Pribavljanje dokumentacije iz prethodnog člana vrši se, u pravilu, na sljedeći način: uposlenici uprave nadležni za prijem podnesaka, odnosno uposlenici kojima je predmet dodjeljen u rad, dostavit će spisak dokumentacije, koja se u skladu sa članom 3. ove Odluke pribavlja po službenoj dužnosti, uposleniku unutar organa uprave, kojeg odredi rukovodioc organa uprave.



Uposlenik iz prethodnog stava dužan je da, na osnovu spiskova dostavljenih od strane svih uposlenika organa uprave, sačini zbirne liste tražene dokumentacije, razvrstane po organima od kojih se dokumentacija traži i iste dostavi odgovarajućem uposleniku drugih organa uprave od kojih se traži dostava dokumentacije, istog dana do kraja radnog vremena.

Uposlenik organa uprave, od koje se traži dostava dokumentacije, dužan je istog dana, do kraja radnog vremena, postupiti po primljenim listama, odnosno dostaviti traženu dokumentaciju ovlaštenom uposleniku organa uprave koja joj je dostavila listu tražene dokumentacije.

Ukoliko lista tražene dokumentacije bude dostavljena poslije 12,00 sati, rok za postupanje, odnosno dostavu tražene dokumentacije, ističe narednog radnog dana, do kraja radnog vremena.

Izuzetno, ukoliko broj primljenih predmeta u vremenskom periodu od pet radnih dana, za jedan administrativni postupak prelazi 500 (petstotina), rok za dostavu tražene dokumentacije produžava se na 5 radnih dana od dana prijema listi tražene dokumentacije.

Pored procedure opisane članom 4. ove Odluke, uposlenici organa uprave nadležni za vođenje postupaka su ovlašteni pribavljati podatke, dokaze i druga akta, potrebna za rješavanje predmeta od strane drugih organa uprave, kratkim putem (usmeno, telefonski, e-mail-om i sl.).

Na isti način, nadležni uposlenici su ovlašteni, ukoliko to zahtjevaju okolnosti postupka ili smatraju svrsishodnim, pribavljati potrebnu dokumentaciju neposredno od uposlenika drugih organa uprave, pod uslovom da se na taj način osigurava ili unapređuje efikasnost u rješavanju konkretnog predmeta.

O pribavljanju podataka/dokumentacije na način iz prethodnog stava, nadležni uposlenik je dužan sastaviti službenu zabilješku i istu uložiti u spis predmeta.

Dostava listi i tražene dokumentacije vrši se u pravilu u elektronskom obliku.

Kad to zahtjevaju potrebe administrativnog postupka, kao i u slučaju da dokumentaciju nije moguće dostaviti u elektronskom obliku ili istu nije moguće na odgovarajući način prevesti u elektronski oblik, dokumentacija se dostavlja u pisanom obliku.

Nakon što službenik pisarnice završi zavođenje podnesaka, dužan je te podneske dostaviti u rad nadležnim organima uprave.

Dostavljanje u rad vrši se istog dana, a u slučaju prijema podnesaka poslije 13,00 sati najkasnije narednog dana po njihovom zavođenju.

Nakon prijema podneska neposredno od stranke ili dostavljanja predmeta u rad od strane ovlaštenog uposlenika pisarnice (prvo signiranje), predmet se istog dana raspoređuje, odnosno dodjeljuje uposleniku organa uprave nadležnom za vođenje postupka.

Uposlenik organa uprave je dužan provjeriti da li podnesak sadrži neki formalni nedostatak koji sprečava postupanje po istom, ili je podnesak nerazumljiv ili nepotpun, te izdati stranci pismeni poziv/priopćenje za ispravku podneska, najkasnije u roku od 3 dana od dana prijema podneska u nadležnoj službi.

Poziv/priopćenje iz prethodnog stava sadrži upozorenje da će se, u slučaju nepostupanja po istom, nastaviti sa administrativnim postupkom u skladu sa pravilima upravnog postupka i materijalnog postupka koji se primjenjuje u toj stvari i riješiti zahtjev stranke.

Poziv/priopćenje za ispravku, u roku iz stava (2) ovog člana, uposlenik je dužan dostaviti stranci pismenim putem, a ovisno o postupku ovlašten je isto učiniti usmeno, telefonski, e-mail-om ili na drugi pogodan način, te o tome sačiniti pismenu zabilješku.

Organ uprave je dužan uredne predmete rješavati u rokovima propisanim ovom Odlukom.

Rokovi određeni za rješavanje urednih predmeta, za pojedinačne administrativne postupke, predstavljeni su u tabelarnom prikazu koji se nalazi u Prilogu 1. ove Odluke i čini njen sastavni dio. Za naročito složene predmete moguće je produženje roka navedenog u Prilogu 1.

U slučaju produženja roka iz prethodnog stava, uposlenik kojem je predmet dodjeljen u rad dužan je o tome pismeno izvjestiti neposrednog rukovodioca, sa navođenjem razloga produženja i novog roka u kojem će riješiti predmet.

U slučaju prekoračenja propisanih rokova, uključujući i prekoračenje roka do kojeg je predviđena mogućnost produženja iz stava (4) prethodnog člana, uposlenik ovlašten za vođenje postupka, dužan je dostaviti pismenu Izjavu o razlozima prekoračenja neposrednom rukovodiocu.

Neopravdano prekoračenja rokova, predviđenih članovima 7. i 8. ove Odluke, povlači disciplinsku odgovornost uposlenika, u skladu sa Zakonom o državnoj službi u Federaciji Bosne i Hercegovine („Službene novine FBiH“, broj: 29/03, 23/04, 39/04, 54/04, 67/05, 8/06 i 4/12) i Zakonom o namještenicima u organima državne službe u Federaciji BiH („Službene novine FBiH“, broj: 49/05) i drugim pozitivnim propisima kojima je to regulisano.

Rukovodioci organa uprave vodit će pisanu evidenciju o prekoračenju rokova u skladu sa članom 8. ove Odluke.

Izvodi iz prethodnog stava sadrže naročito podatke o broju predmeta, nazivu stranke, imenu uposlenika kome je predmet dodjeljen u rad i broju dana prekoračenja.

U svrhu ekspeditivnosti, jednostavnosti, preglednosti i jednoobraznosti provođenja administrativnih postupaka, uvode se standardizovani obrasci na nivou organa uprave, kojima se stranka obraća, prilikom pokretanja administrativnih postupaka.

Obrasci iz prethodnog člana, pored memoranduma navedenog u zaglavlju, naročito sadrže:

- a) naziv i šifru administrativnog postupka,
- b) naziv organa uprave, adresu sjedišta, broj telefona i e-mail adresu,
- c) osnovne podatke o podnosiocu zahjete (ime i prezime/naziv pravnog lica, adresa boravišta/sjedišta i dodatne informacije po potrebi ako to nalaže administrativni postupak),
- d) taksativno navedene priloge/dokumenta potrebna za rješavanje predmeta, formu dokumenata (original, original na uvid, fotokopija ili ovjerena fotokopija), naziv institucije/organizacije nadležne za izdavanje, način pribavljanja (po službenoj dužnosti ili podnosilac zahtjeva),
- e) rok za pregled potpunosti predmeta i rok za rješavanje urednog predmeta,
- f) naziv i visinu takse i/ili naknade, broj računa,

Primjer obrasca predstavljen je u Prilogu 2. Odluke i čini njen sastavni dio.

Rukovodilac organa uprave će u roku od 8 dana od dana stupanja na snagu ove Odluke, imenovati uposlenika zaduženog za međusobnu saradnju sa drugim organima uprave u skladu sa članom 4. Odluke.

Imena, prezimena i e-mail adrese zaduženih uposlenika iz stava (1) ovog člana, rukovodilac dostavlja svim drugim ministarstvima i tijelima kantonalne uprave.

Organi uprave su obavezni postupke utvrđene Dokumentima sistema kvaliteta međunarodnog standarda ISO 9001-2008 uskladiti sa postupcima iz ove Odluke.

Odluka stupa na snagu danom donošenja i objavit će se u Službenim novinama Zeničko-dobojskog kantona.



Podnosilac zahtjeva

Obrazac: šifra  
postupka

Naziv ministarstva/uprave

Sektor \_\_\_\_\_

(informacije)

(informacije)

(informacije)

**PREDMET: Naziv postupka**

(informacije)

**Prilog:**

NAZIV DOKUMENTA	FORMA DOKUMENTA	IZDAJE GA	KOMENTAR

TAKSA/NAKNADA	RAČUN	ŠIFRA OPĆINE/VRSTA PRIHODA/BUDŽETSKA ORGANIZACIJA	KOMENTAR

**Rok za rješavanje urednog predmeta** (sa potpunom dokumentacijom i plaćenim taksama/naknadama): \_ dana.

**Rok za pregledanje zahtjeva i izdavanje poziva/saopćenja za dopunu dokumentacije:** \_ dana.

Potpisom na obrascu, podnosilac zahtjeva potvrđuje saglasnost da se dokumentacija pribavlja po službenoj dužnosti ukoliko istom raspolaže kantonalni organ.

Zenica,

\_\_\_\_\_  
(Datum podnošenja  
zahtjeva)

\_\_\_\_\_  
(Potpis podnosioca/podnositelja  
zahjteva)

### **15. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Oruč Eni u iznosu od 1.000,00 KM (slovima: hiljadu konvertibilnih maraka), na ime nagrade za osvojeno prvo mjesto u taekwadou na Svjetskom juniorskom prvenstvu u Londonu 2013. godine.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu, Ured premijera, razdjel 11, budžetska organizacija 01, potrošačka jedinica 0001, ekonomski kod 614200(BCD201), pozicija "Tekući transferi za posebno nadarene i talentovane mlade".

Sredstva uplatiti na račun Oruč Ene iz Zenice (JMBG: 2409975195026), broj: 161 055 00000000 32 – 0955 0357 380 otvorenog kod: Raiffeisen bank dd Bosna i Hercegovina, Filijala Zenica. Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti. Zaključak stupa na snagu danom donošenja.

### **16. tačka dnevnog reda**

Obrazloženje za ovu tačku dnevnog reda dao je Amir Abazović, pomoćnik u Ministarstvu za privredu.

U diskusiji su učestvovali; ministar Ministarstva za prosotno uređenje, promet i komunikacije i zaštitu okoline, ministrica Ministarstva za pravosuđe i upravu, ministar Ministarstva unutrašnjih poslova, ministrica Ministarstva finansija, ministar Ministarstva za poljoprivredu, šumarstvo i vodoprivredu, ministar Ministarstva za rad, socijalnu politiku i izbjeglice.

Vlada je sa jednim suzdržanim glasom većinom glasova donijela Odluku o odobravanju finansijskih sredstava-subvencioniranje troškova certifikacije energetske efikasnosti individualnog stambenog objekta Nihada Ugarka u naselju Donje Moštre u Visokom

Odobravaju se finansijska sredstva-subvencija troškova certifikacije energetske efikasnosti građevinskih objekata Nihadu Ugarku, u ulici Donje Moštre, Visoko, u iznosu 7.560,0 KM (slovima: sedamhiljadpetstošezdeset konvertibilnih maraka), na ime refundacije troškova certifikacije energetske efikasnosti za utopljeni individualni stambeni objekat Korisne površine shodno Energetskom certifikatu 252,0 m<sup>2</sup>, u naselju Donje Moštre, Općina Visoko.

Odobrena sredstva iz tačke I. ove odluke isplatit će se iz Budžeta Zeničko-dobojskog kantona za 2013. godinu, razdjel 18, budžetska organizacija 01, potrošačka jedinica 0001, ekonomski kod 614 100 - IAD002, pozicija „Realizacija projekata Vlade koji se finansiraju iz prihoda od koncesija“ na žiro-račun, broj: 1542139958204843 kod INTESA SAN PAOLO BANKA d.d. SARAJEVO, Poslovnica Visoko.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima, realizuju ovu odluku svako u okviru svojih nadležnosti. Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

### **17. tačka dnevnog reda**

Obrazloženje za ovu tačku dnevnog reda dao je Amir Abazović, pomoćnik u Ministarstvu za privredu.

U diskusiji su učestvovali; ministar Ministarstva za prosotno uređenje, promet i komunikacije i zaštitu okoline, ministrica Ministarstva za pravosuđe i upravu, ministar Ministarstva unutrašnjih poslova, ministrica Ministarstva finansija, ministar Ministarstva za poljoprivredu, šumarstvo i vodoprivredu, ministar Ministarstva za rad, socijalnu politiku i izbjeglice.

Vlada je sa jednim suzdržanim glasom većinom glasova donijela Odluku o odobravanju finansijskih sredstava-subvencioniranje troškova certifikacije energetske efikasnosti građevinskog objekta Skup etažnih vlasnika zgrade u ulici Jalija, broj 77 u Visokom.

Odobravaju se finansijska sredstva-subvencija troškova certifikacije energetske efikasnosti građevinskih objekata Skupu etažnih vlasnika zgrade u ulici Jalija, broj 77 u Visokom, putem ovlaštenog lica Esad Ahmetović, u iznosu 52.200,0 KM (slovima: pedesetdvijehiljadeidvjesto

konvertibilnih maraka), na ime refundacije troškova certifikacije energetske efikasnosti za utopljeni stambeni objekat. Korisna površina izgrađenog objekta (ukupna netto podna površina grijanog dijela objekta) je 1.740,00 m<sup>2</sup>, (30 stambenih jedinica), energetskog razreda A.

Odobrena sredstva iz tačke I. ove odluke isplatit će se iz Budžeta Zeničko-dobojskog kantona za 2013. godinu, razdjel 18, budžetska organizacija 01, potrošačka jedinica 0001, ekonomski kod 614 100 - IAD002, pozicija „Realizacija projekata Vlade koji se finansiraju iz prihoda od koncesija“ na žiro-račun, broj: 1413010000630903, partija 0033945 (na ime Esad Ahmetović) kod Bosnia Bank International d.d. Sarajevo, Filijala Visoko.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima, realizuju ovu odluku svako u okviru svojih nadležnosti.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

### **18. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali; Premijer Zeničko-dobojskog kantona, ministrica Ministarstva za pravosuđe i upravu, ministar Ministarstva za prostorno uređenje, promet i komunikacije i zaštitu okoline, sekretar Sekretarijata za zakonodavstvo, ministar Ministarstva za poljoprivredu, šumarstvo i vodoprivredu, ministrica Ministarstva zdravstva, ministar Ministarstva za rad, socijalnu politiku i izbjeglice, ministrica Ministarstva finansija, pomoćnik u Ministarstvu za privredu.

Vlada je jednoglasno donijela zaključak kojim se zadužuju se svi rukovoditelji kantonalnih ministarstava i drugih tijela uprave da izvrše dopune pravilnika o unutrašnjoj organizaciji organa kojim rukovode u dijelu koji se odnosi na sistematizaciju radnih mjesta, a koji obuhvata između ostalog i opis poslova, kojima će utvrditi obavezu državnim službenicima i namještenicima, da pored redovnih poslova, u slučaju potrebe, u toku radnog vremena, po zadatku Vlade Kantona, odnosno rukovoditelja, obavljaju i druge poslove iz nadležnosti organa uprave, u cilju isključivanja mogućnosti isplata naknada za rad u komisijama. Zaključak stupa na snagu danom donošenja.

### **19. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali; ministar Ministarstva za poljoprivredu, šumarstvo i vodoprivredu, ministar Ministarstva za obrazovanje nauku, kulturu i sport, sekretar Vlade, ministar Ministarstva za prostorno uređenje, promet i komunikacije i zaštitu okoline i ministrica Ministarstva finansija.

Vlada je jednoglasno uz predložene izmjene donijela Zaključak kojim je Vlada Zeničko-dobojskog kantona saglasna da u cilju osiguranja završetka objekata Pravnog i Ekonomskog fakulteta Univerziteta u Zenici, obezbjedi i isplati izabranom izvođaču radova, preostali iznos sredstava koji čini razliku između ugovorene cijene i do sada obezbjedenih sredstava od strane donatora: turske agencije za međusobnu saradnju i razvoj – TIKa i koncerna AGRAM.

Sredstva iz tačke I. ovog zaključka Vlada Kantona će, kao obavezu prema zaključenom Ugovoru, uplaćivati prema dinamici koju dogovori sa izvođačem radova.

Univerzitet u Zenici se zadužuje za intenziviranje radova koji se odnose na izgradnju zgrade Pravnog i Ekonomskog fakulteta Univerziteta u Zenici.

Završetak radova Vlada će obilježiti svečanim otvaranjem zgrade Pravnog i Ekonomskog fakulteta Univerziteta uz prisustvo predstavnika donatora čijim sredstvima se finansira završetak izgradnje objekata. Zaključak stupa na snagu danom donošenja.

### **20. tačka dnevnog reda**

Dostavom materijala pod ovom tačkom dnevnog reda članovi Vlade su upoznati sa istim.

- U diskusiji su učestvovali; ministrica Ministarstva zdravstva, Premijer Zeničko-dobojskog kantona, ministar Ministarstva za rad, socijalnu politiku i izbjeglice, ministar Ministarstva za

prostorno uređenje, promet i komunikacije i zaštitu okoline, pomoćnik u Ministarstvu za privredu, ministar Ministarstva za poljoprivredu, šumarstvo i vodoprivredu, ministrica Ministarstva finansija.

- U diskusiji su učestvovali; Premijer Zeničko-dobojskog kantona, sekretar Vlade, ministar Ministarstva za poljoprivredu, šumarstvo i vodoprivredu, ministar Ministarstva za obrazovanje, nauku, kulturu i sport, ministar Ministarstva za rad, socijalnu politiku i izbjeglice i ministrica Ministarstva finansija.

Razmatrajući Informaciju Službe za zajedničke poslove vezanu za Top-Tim, broj: 14-27-19023-4/13 od 25.09.2013. godine, Vlada je jednoglasno donijela Zaključak kojim se zadužuje Služba za zajedničke poslove Zeničko-dobojskog kantona da izvrši nabavku mobilnog telefona modela HTC One LTE 32GB za potrebe ministricе Ministarstva finansija Zeničko-dobojskog kantona.

Razlika cijene koštanja između BH Telekomovog popusta koji je važio za prve korisnike TOP Tima i sadašnje stvarne cijene mobilnog telefona, teretit će poziciju Budžeta 821300 - Nabavka opreme kod Službe za zajedničke poslove Zeničko-dobojskog kantona.

Iznos iz stava 1. ove tačke otplaćivat će se kroz devet mjesečnih rata.

Preostali dio vrijednosti mobilnog aparata sa PDV-om, obustavljat će se od plaće korisnika telefona mjesečno po ispostavljenim računima BH Telekoma, tako da će nakon konačne otplate postati vlasništvo korisnika mobilnog telefona, u skladu sa tačkom VIII stav 2. Zaključka o uslovima korištenja i načinu plaćanja službenih mobilnih telefona, broj: 02-14-19419/11 od 06.06.2011. godine i broj: 02-14-14158/13 od 13.06.2013. godine. Zaključak stupa na snagu danom donošenja.

Premijer je zaključio sjednicu u 12<sup>45</sup> sati.

**SEKRETAR VLADE**

*Berjana Ačkar*

**PREMIJER**

*Munib Husejnagić, dipl.ing.maš.*

**ZAPISNIČAR**

*Alma Hrnjić*